

hoc atramentosa reddi aqua potest à peritis. E plumbo fit lythargyrus; ex hoc plumbum redit. Transeunt in lapides metalla, & ex illis reducuntur. Ex Antimonio paratur Martialis regulus, ex hoc Antimonium restituitur. Dic, unde illi circuli? Nimirum in alterius matrice alterum non modò generatur, sed in amplexum ejus etiam abit. Ignobilia sunt cruda indigestaq; , ob non elaboratam dispositionem; cùm tamen aliàs principium materiale idem habeant.

§. IX. Operæ facturi simus pretium, si, juxta Metallicos, Metalla pariter ac mineralia in classes partiamur generatim duas: una est Metallus status in *elaborationis actu*, dicitur ein wachendes Metall; altera ein schlaffendes Metall / quod extra actum coctionis est, & adhuc impeditur. Dahero die Berg-Leute sagen: wir sind zu frühe gekommen. Hinc Cobaltum & Bismuthum, propter immaturitatem, sulphuris & Mercurii Lunaris, nondum hactenus perfecti, tractu temporis, mutandi in Argentum, propter avaritiam, anticipantem, violenter, velut embryo, ab utero matricis suæ rapitur. Quod utinam nostrates tandem aliquando crederent! Disertius exponam sensa: Albo ex *Arsenico* sub fumi aut vaporis unctuosi, insinuantis se ut aquæ, ita terræ minerali, si Mercurius figatur & maturius purgetur, fit *Argentum* in materia habili; sin minus, *Cadmia* metallica, h. e. *Cobaltum*. Erit igitur principium Argenti; quod per metamorphosin, Naturâ, jam & arte laborante, huc perfectionis venit. Ex Mercurio puriori, atq; sulphure fixiori Aurum generatur, tractu temporis, in terra habili, ac lapidosa. Absolum, aut artificiale hoc commentum (fortè Chymicum inventum?) tu existimas? At metallicorum, & qui adversantur Chymicis, Docimastarum, hæc confessio docet. Ita enim in præfat. Docimastic. Præfectus olim rei
mone-